



KEMENTERIAN PEMBANGUNAN WANITA,
KELUARGA DAN MASYARAKAT

KENYATAAN MEDIA

INSTITUSI KEBAJIKAN JKM JALANI PROGRAM SARINGAN COVID-19

Kementerian Pembangunan Wanita, Keluarga dan Masyarakat (KPWKM) amat prihatin dan memandang serius akan kesihatan warga emas yang berada di institusi-institusi jagaan warga emas. Sehubungan dengan itu, saya telah menyarankan agar ujian pengesanan jangkitan COVID-19 dilakukan ke atas semua warga emas dan kakitangan di institusi bawah JKM. Hal ini juga selaras dengan usaha untuk mematuhi saranan Kementerian Kesihatan Malaysia (KKM) bagi melindungi golongan berisiko tinggi seperti warga emas yang dikesan berdepan risiko kematian tertinggi sekiranya dijangkiti wabak COVID-19 disebabkan faktor umur dan juga penyakit kronik.

Atas dasar keprihatinan ini, KPWKM dengan kerjasama KKM sedang melaksanakan Program Saringan COVID-19 di 17 buah Institusi Warga Emas JKM. Dijangka seramai 2500 orang penghuni warga emas dan 958 kakitangan JKM akan menjalankan saringan COVID-19.

Seramai 200 orang penghuni dan kakitangan di Institusi Kebajikan JKM seperti Rumah Seri Kenangan Kemumin, Kelantan dan Rumah Ehsan Dungun, Terengganu telah memulakan proses saringan COVID-19 pada hari ini, 5 Mei 2020. Program ini akan dilaksanakan secara berfasa di institusi kebajikan lain mengikut jadual yang telah ditetapkan.

###

DATUK SERI RINA MOHD HARUN
MENTERI PEMBANGUNAN WANITA, KELUARGA DAN MASYARAKAT
PUTRAJAYA
5 MEI 2020